

19.06.2024.

PRIMLJENO:			
Općednica	Klasifikaciona oznaka	Redni broj	Broj priloga
011-2	-	425-1	24

ASMIR ĆUFUROVIĆ, zastupnik u Skupštini Unsko – sanskog kantona

## SKUPŠTINA UNSKO – SANSKOG KANTONA

### **PREDMET: Prijedlog Zakona o dopuni Zakona o osnovnom odgoju i obrazovanju po skraćenom postupku, dostavlja se,-**

Shodno odredbama člana 84. stav (1) i člana 109. Poslovnika Skupštine Unsko – sanskog kantona („Službeni glasnik Unsko – sanskog kantona“ broj: 9/17) u prilogu akta dostavljam vam po skraćenom postupku Prijedlog Zakona o dopuni Zakona o osnovnom odgoju i obrazovanju, uz sljedeće

#### O b r a z l o ž e n j e

Koristim svoje poslovničko pravo i predlažem prijedlog Zakona o dopuni Zakona o osnovnom odgoju i obrazovanju, te molim Skupštinske zastupnike da isti razmatraju po skraćenom postupku.

Razlozi za donošenje ovog zakona proizilaze iz činjenice da se prilikom primjene predmetne odredbe nailazilo na poteškoće u smislu izbora direktora škole, te da postoji dvostruko tumačenje obzirom da nije jasno definisano šta se smatra ekvivalent I, II ili III ciklusu bolonjskog visokoobrazovnog procesa, pa se isti tumači na dva različita načina i to:

- Da ekvivalent I ciklusu obrazovanja kada je u pitanju izbor direktora predstavlja diploma sa 180 ETCS, dok kod nastavnog osoblja tj. nastavnika ekvivalent I ciklusa predstavlja diploma sa 120 ETCS iz čega proizilazi da nastavnici koji predaju u školi određene predmete ne mogu biti izabrani za direktora škole kao što je to do sada bio slučaj iz razloga što imaju diplomu 120 ETCS,
- Lica koja su završila više obrazovanje u drugim državama i koja traže nostrifikacije diploma čiji ekvivalent za nastavnike iznosi za I ciklus 120 ETCS, mogu učestvovati u izboru direktora obzirom da su dobila ekvivalent I ciklusa bez obzira na ETCS bodove, te samim tim im je data mogućnost i apliciranja na poziciju direktora škole što dovodi do diskriminacije u odnosu na naše nastavno osoblje.

Također kao jedan od bitnih razloga želim navesti i Odluku vijeća ministara BiH kojom je usvojen osnovni kvalifikacioni okvir za BiH, kao početni dokument procesa izgradnje i uspostavljanja kvalifikacionog okvira, po osnovu kojeg bi lica koja su završila studij prema ranije važećim zakonskim propisima iz oblasti visokog obrazovanja, odnosno zvanja predbolonjskog sistema bila u mogućnosti da izvrše ekvivalenciju stečenog zvanja na način da se lica sa VI stepenom predbolonjskog sistema izjednače sa I ciklusom bolonjskog sistema obrazovanja.

U cilju otklanjanja predmetnih nedoumica smatram da su predložene izmjene opravdane, te ih iz navedenih razloga i podnosim.

Obzirom da se ne radi o obimnom i složenom zakonu molim da isti razmatrate po skraćenom postupku.

S poštovanjem,

Dostaviti:  
1. Naslov  
2. a/a

Zastupnik u Skupštini  
Unsko-sanskog kantona  
Asmir Ćufurović

Na osnovu člana 96. i 133. Poslovnika Skupštine Unsko – sanskog kantona („Službeni glasnik Unsko – sanskog kantona“ broj: 9/17) na prijedlog zastupnika Ćufurović Asmira na sjednici održanoj dana \_\_\_\_\_ 2024.godine Skupština Unsko-sanskog kantona donosi

## ZAKLJUČAK

### Član 1.

Zakon o dopuni Zakona o osnovnom odgoju i obrazovanju razmatraće se po skraćenom postupku.

### Član 2.

Ovaj Zaključak stupa na snagu danom donošenja i objaviće se u „Službenom glasniku Unsko – sanskog kantona“.

Broj:01-02-4-\_\_\_/24  
\_\_\_\_\_ 2024.godine  
Bihać

Predsjedavajući Skupštine  
Unsko-sanskog kantona  
Zikrija Duraković


**O B R A Z L O Ž E N J E**  
**skraćenog postupka**  
**Zakon o dopuni Zakona o osnovnom odgoju i obrazovanju**

Razlozi traženja da se prijedlog Zakona o dopuni Zakona o osnovnom odgoju i obrazovanju donese po skraćenom postupku proizilaze iz činjenice da je neophodno imenovati direktore odgojno obrazovnih institucija, da su raspisani konkursi za iste, te da se prilikom pregleda i utvrđivanja dokumentacije pojavio problem u pogledu pravilne primjene odredbe člana 138. stav (1) Zakona.

Razlog podnošenja ovog prijedloga po skraćenom postupku ima za cilj da prevenira ponovno raspisivanje konkursa u smislu osiguranja dodatnih sredstava u Budžetu kantona koja su vrlo značajna ukoliko uzmemo u obzir da jedna objava konkursa košta oko cc 600 KM.

Također želim naglasiti da se ne radi o obimnom zakonu, već o dopuni jednog stava, te da isti ne iziskuje dodatne troškove za Budžet Unsko – sanskog kantona, čime su i ispunjeni uvjeti za razmatranje po skraćenom postupku.

Zastupnik u Skupštini USK  
Asmir Ćufurović



Shodno odredbama V.A.11.b) i IV. 2. b) Ustava Unsko-sanskog kantona („Službeni glasnik Unsko-sanskog kantona“, broj: 1/04 i 11/04), na prijedlog zastupnika Čufurović Asmira na \_\_\_\_\_, redovnoj sjednici održanoj dana \_\_\_\_\_, 2024. godine donosi

**ZAKON**  
**O DOPUNI ZAKONA O OSNOVNOM ODGOJU I OBRAZOVANJU**

Član 1.

U Zakonu o osnovnom odgoju i obrazovanju („Službeni glasnik Unsko-sanskog kantona“ broj: 19/23) u članu 138. stav (1) iza riječi :“ima“ dodaje se tekst koji glasi: „VI ili“.

U istom stavu iza riječi: „spreme i interpukcijskog znaka zarez (,)“ dodaje se tekst koji glasi: „viša školska sprema i interpukcijski znak zarez (,)“.

Član 2.

Ovaj Zakon stupa na snagu 8 dana, od dana objavljivanja u „Službenom glasniku Unsko – sanskog kantona“.

Broj:01-02-1-\_\_\_\_\_/24  
\_\_\_\_\_.2024.godine  
Bihać

Predsjedavajući Skupštine  
Unsko-sanskog kantona  
Zikrija Duraković

**OBRAZLOŽENJE**

## OBRAZLOŽENJE

### USTAVNI I ZAKONSKI OSNOV ZA DONOŠENJE

Ustavni osnov za donošenje Zakona o dopuni Zakona o osnovnom odgoju i obrazovanju sadržan je u članu 2. b) Poglavlja IV. i člana 11. b) Odjeljka A. Poglavlja V. Ustava Unsko-sanskog kantona – Prečišćeni tekst („Službeni glasnik Unsko-sanskog kantona“, broj: 1/04 i 11/04), kojim je Kanton ovlašten za utvrđivanje obrazovne politike, uključujući propise o obrazovanju i osiguranje obrazovanja, odnosno Skupština Kantona ovlaštena za donošenje zakona.

### RAZLOZI ZA DONOŠENJE

Razlozi za donošenje ovog zakona proizilaze iz činjenice da se prilikom primjene predmetne odredbe nailazilo na poteškoće u smislu izbora direktora škole, te da postoji dvostruko tumačenje obzirom da nije jasno definisano šta se smatra ekvivalent I, II ili III ciklusu bolonjskog visokoobrazovnog procesa, pa se isti tumači na dva različita načina i to:

- Da ekvivalent I ciklusu obrazovanja kada je u pitanju izbor direktora predstavlja diploma sa 180 ETCS, dok kod nastavnog osoblja tj. nastavnika ekvivalent I ciklusa predstavlja diploma sa 120 ETCS iz čega proizilazi da nastavnici koji predaju u školi određene predmete ne mogu biti izabrani za direktora škole kao što je to do sada bio slučaj iz razloga što imaju diplomu 120 ETCS,
- Lica koja su završila više obrazovanje u drugim državama i koja traže nostrifikacije diploma čiji ekvivalent za nastavnike iznosi za I ciklus 120 ETCS, mogu učestvovati u izboru direktora obzirom da su dobila ekvivalent I ciklusa bez obzira na ETCS bodove, te samim tim im je data mogućnost i apliciranja na poziciju direktora škole što dovodi do diskriminacije u odnosu na naše nastavno osoblje.

Također kao jedan od bitnih razloga želim navesti i Odluku vijeća ministara BiH kojom je usvojen osnovni kvalifikacioni okvir za BiH, kao početni dokument procesa izgradnje i uspostavljanja kvalifikacionog okvira, po snovu kojeg bi lica koja su završila studij prema ranije važećim zakonskim propisima iz oblasti visokog obrazovanja, odnosno zvanja predbolonjskog sistema bila u mogućnosti da izvrše ekvivalenciju stečenog zvanja na način da se lica sa VI stepenom predbolonjskog sistema izjednače sa I ciklusom bolonjskog sistema obrazovanja.

U cilju otklanjanja predmetnih nedoumica smatram da su predložene izmjene opravdane

### OBRAZLOŽENJE PREDLOŽENIH RJEŠENJA

u članu 138. stav (1) iza riječi :“ima“ dodaje se tekst koji glasi : „VI ili“.

U istom stavu iza riječi: „spreme i interpukcijskog znaka zarez (,)“ dodaje se tekst koji glasi: „viša školska sprema i interpukcijski znak zarez (,)“.

Predmetnim rješenjem imalo se jasno za cilj definisati pitanje ko može biti imenovan za direktora škole u pogledu stručne spreme.

### Finansijska sredstva

Za provođenje ovog Zakona nisu potrebna finansijska sredstva.

Zastupnik  
Asmir Ćufurović

poziciju. Vlada je dužna popuniti poziciju iz reda osnivača.

(4) Vlada će razriješiti članove školskog odbora, odnosno školski odbor i prije isteka mandata u slučajevima:

a) kada se utvrdi da član ne ispunjava obaveze utvrđene zakonom, aktom o osnivanju i pravilima škole,

b) kada se utvrdi da školski odbor ne obavlja poslove iz svog djelokruga u skladu sa zakonom, aktom o osnivanju i pravilima škole i ne postupi po nalogu nadležnih organa,

c) u slučajevima iz st. (8), (9) i (10) člana 136. ovog Zakona,

d) u slučajevima utvrđenim Pravilnikom iz stava (8) člana 137. ovog Zakona,

e) inicijativu za smjenu članovaškolskog odbora mogu podnijeti tijela koja su ih predlagala - Vijeće roditelja i Nastavničko vijeće,

f) u drugim slučajevima predviđenim pravilima škole.

(5) U izuzetnim slučajevima Vlada može imenovati privremeni školski odbor na period od 90 dana.

(6) Na prijedlog Ministarstva, Vlada će donijeti Odluku o kriterijima za imenovanje školskog odbora iz stava (5) ovog člana.

(7) Članovi školskog odbora koji su razriješeni u slučajevima utvrđenim u stavu (4) ovog člana ne mogu biti imenovani u školske odbore osnovnih škola Kantona. Evidenciju ovih lica vodi Ministarstvo.

### Član 138.

#### (Izbor direktora)

(1) Za direktora osnovne škole može biti imenovano lice koje, pored općih uvjeta, u pogledu stručne sprema ima VII stepen stručne sprema, odnosno I, II ili III ciklus bolonjskog visokoobrazovnog procesa ili ekvivalent, ispunjava uvjete za nastavnika ili stručnog saradnika osnovne škole i ima najmanje pet godina radnog iskustva na poslovima u nastavi ili na pedagoško-psihološkim poslovima ili drugim poslovima stručnog saradnika, da se ističe svojim radom, sposobnostima organizacije odgojno-obrazovnog rada o čemu posjeduje mjerljive pokazatelje.

(2) Direktora javne osnovne škole imenuje i razrješava školski odbor, uz saglasnost ministra i provedene procedure utvrđene pravilnikom kojeg donosi ministar.

(3) Imenovanje direktora se vrši na osnovu javnog konkursa.

(4) Direktora privatne osnovne škole imenuje i razrješava školski odbor na osnovu javnog konkursa i uz saglasnost osnivača.

(5) Direktor osnovne škole se imenuje na period od četiri godine sa mogućnošću ponovnog izbora, uz ograničenje od najviše dva uzastopna mandata u istoj školi.

(6) Zaposleniku osnovne škole koji se imenuje za direktora škole sa područja Kantona, miruju prava i obaveze iz radnog odnosa, koje podrazumijevaju prethodno radno mjesto. Nakon isteka mandata zaposlenik se vraća na radno mjesto na kojem je bio raspoređen prije imenovanja na poziciju direktora.

(7) Postupak mirovanja prava i obaveza se pokreće na lični zahtjev koji se podnosi školskom odboru u roku od sedam dana od dana imenovanja.

(8) Na prava i obaveze zaposlenika iz stava (5) ovog člana primjenjuju se odgovarajuće odredbe zakona i kolektivnog ugovora za djelatnost osnovnog obrazovanja, kojima se uređuju prava i obaveze iz radnog odnosa, a koje nisu utvrđene ovim Zakonom.

(9) Ukoliko direktor škole nije imenovan, odnosno ukoliko je razriješen prije isteka mandata, školski odbor će odmah iz reda nastavnika ili stručnih saradnika škole, na prijedlog članova školskog odbora iz reda uposlenika, imenovati vršioca dužnosti direktora uz saglasnost ministra, na period koji ne može biti duži od šest mjeseci od dana imenovanja i raspisati javni konkurs za izbor i imenovanje direktora.

(10) Ukoliko školski odbor ne imenuje vršioca dužnosti direktora iz stava (9) ovog člana u roku od osam dana od dana razriješenja, ministar će imenovati vršioca dužnosti direktora iz reda uposlenika.

(11) Vršilac dužnosti direktora mora ispunjavati sve uvjete propisane u stavu (1) ovog člana i ima sva prava i obaveze direktora škole.

(12) Dužnost direktora i vršioca dužnosti direktora ne može vršiti lice:

a) za koje se odgovarajućom medicinskom procedurom utvrdi da je alkoholičar, odnosno ovisnik o narkoticima,

b) koje boluje od duševne bolesti,

c) protiv kojeg je potvrđena optužnica ili izrečena pravosnažna presuda ili mjera za

**OBRAZAC IZJAVA O FISKALNOJ PROCJENI**

**Obrazac IFP NE**

**A 1. Obradivač propisa**

Razdjel KOD NAZIV

10010001

SKUPŠTINA UNSKO-SANSKOG KANTONA

**B 2. Osnovni podaci o prijedlogu propisa**

Vrsta propisa/akta

Zakon

NE

Odluka

NE

Strategija

NE

Naziv propisa/akta

Prijedlog Zakona o dopuni Zakona o osnovnom odgoju i obrazovanju

NE

Drugi akti

NE

Drugi akti planiranja

NE

**C 3. Izjava o nepostojanju dodatnih fiskalnih efekata predložene propisa**

Prijedlog Zakona o dopuni Zakona o osnovnom odgoju i obrazovanju nema fiskalnih posljedica (odnosno nisu potrebna dodatna sredstva) u Budžetu Unsko-sanskog kantona kako u tekućoj 2024. (n) godini tako i u narednim 2025 (n+1) i 2026 (n+2) godinama

**D 4. Pečat i potpis odgovornog lica obradivača, odnosno predlagачa propisa**

Asmir Ćufurović

Mjesto i datum

19.06.2024. godine

